

vos présente

L' VRÊYE ISTWÊRE DÈL WALATLANTÎDE...

Dins dès tins d' i gn' a si lontins k' nos ratayons lès avîne dèdjà roviyî, ène grande basse si sitindéve, amon nos ôtes, vèci, èwouski nos on vike asteûre. Au plin mitan, dissus ène vète grande île, ène bèle vile èstéve batîye. D' après dès vîyès sicrîtès pîres k' a tanawète on rimonte au djoû, parètréve, k' èle èstéve dèdjà bin modèrne èt k' èle si loméve WALATLANTÎDE.



Dins lès sincyeûs k' ont studiyî, cès vîyès pîres k' on vos è djôze, i gn' a po dîre ki, sins minti, po ièsse tant difèrint èt z-awè tant d' avance, lès djins k' adon î vikîne duvîne vinu d' ène ôte planète. Faut riconèche k' is avîne l' mèyeuse dès fôrmes po fé dès longs trèvautchâdjès au truviè dès èspaces sins pont d' pèzanteû.

Arivés dissus nosse Daegne adon k' lès pèzants lèzârdès au grand cô li trèvautchîne co, is arîne

pièrdu, dins l' mércatastrophe k' a distrût cès biesses là èt lès rètèrer come à Bèrnisaû, tos leûs moyins d' éraler d' èwousk' is arivîne èt adon ièsse fwârcîs di, po todi, dimèrer



cichal.

Bin shûr, is s' ont vèyu oblidi d' s' acostumer au mitan dèss indodjinès peûpes k' alîne doner lès Luci, lès omes di Spy èt ariver à nos.

Pigote à migote, i s' ont mètu à fricoter avou lès bauchèles do



vijnauve. Si bin ki, d' comachâdjes à comèlâdjes, durant dèss razans, is ont fini pa s' tant machî k' is s' ont pièrdu dins l' masse.

(Kwèki, à tanawète, on pout è voye ki, rèxhant foû di ck' on lome MAKDO odobin PITZA ÛT, n' ont nin l' idêye k' leûs ratatayons ont arivé d' bin lon èri d' véci à dèss anêyes d' luminêre. C' èst, parèt-i, dèss djinnes ki rimontenut d' bin lon -rècèssifs s' apinse k' on dit - avou dèss mannèstés d' kolèstèrol èt dièbièsse.)

Dèss bin rèlîs sapyincieûs ranchenut pa tos costés d' nosse tèritwêre èt sayî d' ritrover tot c'k' i gn' a co come pîre èt insi mia conèche c'ki s' a passé tot di lon dèss sièkes di l' Istwêre po lès Watlantideus.

C' èst deûr mins, pyane myane, is î arivenut. Insi, au fond d' on bin muxhî trau d' Nûtons di Han (k' on ènn' è cauze pont po n' nin doner d' idêye à l' Sîye-Î-Ya odobin à Spîlbèrk) on a ritrové ène tchèrtêye d' batch di cûte dièle avou, au rcwèt ddins, dèss gravêyès scayes di nwâres pîres.

Lès mèyeûs dèss sinciyeûs ont bin dèss rûjes à t-ariver à lire lès tècses èt lès bin comprinde. On pout seûlmint adviner ki leûs sicrîjeus èstîne dins lès dêrins dèss co bin au corant dèl vérité èt k' is ont sayî d' transmète leû foû-dèss-stwèles savwèr aus djènèrâcions à vinu. On n' pout k' pinser ki ça n's' a nin polu fé come is arîne volu k' ça s' passe.

Faut crwêre ki d' cobèchâdjes è comèlâdjes lès djènèrâcions ont didjènèré. Lès èfants d' leûs èfants ont cauzu tot roviyî èt n' ont waurdé

k' sakantès rikètes di leû mèrvèyeûse oridjine èt lès racamoussî au ddins d' rèlidjeusès riles dins dès sacrés lîves k' on dit asteûre tchèyu dès nûlêyes.



Come di djusse, tote li bouye di ricwêrâdje si fait à muchète dins l' pus grand dès sicrêts mins, maugré tot, ène copiye d' leûs prumêres translatêyes discoviètes arêve sitî sicrotêye pa dès djins dèl sêke di *Siyon* èt minme k' èle arêve sièrvu po sicrîre li "Câde Da Vinchi", èt ki, di peû di s' fé trêfî d' clatcheû, l' ôteû n' a minme nin wazu to mète dins s' lîve.

Po nosse paurt, on s' sint asteûre libe di vos fé conèche ène miète di c'k' on a dèdjà polu discoviè dèl bèle istwêre dès Walatlandeus. L' vî Emile, k' on vos ènn' a dèdjà cauzé, èstève on « *grand mètu au corant* » (on « initié » come on dit dins l' *Confrêriye dès Trwès Ponts*). Il avêve dès dons d' signeû èt on a ritrové, dins lès galants di s' gurnî, lès cayèts di sès sicrîtès ricètes èt s' prope sicrèt lîve do « *Grand Bèbêrt* » avou, dins sès fouyous a mitan mougîn pa lès soris, lès tècses k' ont sièrvu à l' fauve ki vos va shûre.

Come, po l' pus grand nombe, ça sérêve deûr d' admète ki c' èst l' peûre vérité, on a rarindjî lès imaudjes èt insi lèyî crwêre ki c' èst po lès èfants. A vos, k' avèz shûremint fait dès ètûdes, d' sawè lire èteûre lès royes èt d' adviner c' ki gn' avêve ddins lès traus k' lès soris ont mawî ddins. Nos avans fait po on mia èt insi sayî, à nos riskes, di vos transmète ène paurt dèl


VRÊYE ISTWÊRE DÈL' WALATLANTÎDE...

D'après ck' on a polu è comprinde, dins lès prumî tins k' is ont arivé aaurci, lès Walantideus n' ont nin tchikné èt paurtadjî aûtoû d' zèls l' pus gros dès cayèts di c' ki conèchîne: industrêye (ovrâdje do fiêr), amougnî (boukètes, avizances, cûtès peûres èt vôtes au laurd), ârts (posteûrâdje, pintûrâdje, maclotêdje, tradèridèra) èt tote li cultûre ki va avou l' sicrîjâdje (tèyâte, fauves, spots èt paskêyes). Is ont tot paurti sins pont fé d' difèrinces inte lès peûpes rèscontrés dins leûs trèvautchâdjies pa monts èt pattavau lès vaus d' droci.

Lès sêkes ont passé èt, dissus l' île, l' nombe dès Walatlantideus d' oridjine a comincî d' discrèche èt, autoû dèl Basse, dins dès indidjines k' avîne tot bin profité dès noûvès conèchances a crèchu l' idêye k' is polîne, tot fyant à leû môde co è rissatchî d' pus. Dès mwinneûs pus grandiveûs lès onks ki lès ôtes ont comincî à s' fé ètinde èt volu prinde è leûs mwins totès lès rinnes èt mia viker ki l' rèsse di c' k' is ont comincî à lomer bas peûpe. Mins d' tot ça on

n' conèt co k' bin wêre. Lès pîres ki è cauzenut sont cauzu tèrtotes sipiyîyes è brokètes k' on a malaujî à lire. Branmint lès volenut trop fwârt « intèrprèter » èt î trover c'ki pout fé farène au molin d' leûs dêrinnès bounes idêyes do djoû.

misbrîdjâdjès. Minme k' on ôte maufêzant èstéve rêsséré avou li èt k' tos lès deus s' dijîne malâdes èt trop dissus l' doû po polu ièsse calindjî dins lès prèscritès riles.




Èt kwè, Pètinotchèt, asteûre ki vos avèz bin profité, n'est-i nin tins d' passer au tribunâl èt î rèsponde di vos arnaujerîyes èt vos maussîs misbrîdjâdjès ?

Dj' a dins l' idêye ki l' comèdîye n' va pus lontins durer !

Tot c'k' on è pout vrêmint dîre c' èst k' ça z-a fini pa maû toûner po lès Walantlideus k' is s' trovîne ègadjîs maugré zèls dins dès guêres èt dès rèvolucions sins pont d' djoke èvou lès wangnants èstîne pus sovint k' à leû touû pîre ki lès pîres èt lès pièrdants lès mèyeus dès mèyeûs pièrdus.

On va don s' continter d' vos doner on ptit chapite di l' istwêre. Èle comince à on momint k' on saît nèn co c'ki s' a passé avant. Todi èsse-t-i k' on Grand Mwinrneûs, tapé foû djus di s' tchèyère, avéve sitî ègayolé èt on l' voléve fé djudjer po sès tûwèriyes èt



Dès ans è dès ans ki Pètinôtchèt, l' mwê mwinrneus èt l' aloyisse Pokète vikîne èshène rèssérés dins l' minme gayole. On a bau dîre, c' èst deûr à s' î fé.

Et si vos vos î mètî ène miète èto po sayî d' rèxhî foû d' vêci ? Fènèyant !


I nos faut nos î otrumint prinde !



Come on n' si pout nin fé êdî pa lès lèdjons d' m' mèmère patrèye, on s' v' a sièrvu di c' ki trinne autoû d' nos !

Si ya, si ya ! Dj' è m' a là ddins, mi. On s' va sièrvu di tos lès maucontints, lès rashonner ddrî d' nos èt lès s' fé pa padvant bate por droviè nosse rote...

Mins, i gn' a rin !



Mins tos lès cîs ki dj' avéve avou mi on toûné cazake dispû lontins. Dji n' va nin co po ça dispinser mès sasantès pîcètes mèteûwes à iute. Dèdjà k' mès plêdeus è nn' ont mougnî...

I vos faut voye grand po wangnî d' pus !



Tinèz, Pinotchèt, è voci onk ki m' shène awè l' aîr di deûs êr k' i nos faut. Dji m' va sayî.

È là, l' ome, xhòûtèz-m' don on pau !

